

四庫全書

史部

欽定四庫全書

通鑑地理通釋卷六

宋 王應麟 撰

周形勢攷

周室微諸侯不享覲天子之廷者惟祭與觥通鑑記始
於威烈王命魏趙韓稽古錄曰三大夫始受天子之命
禮之紀綱盡矣蓋文侯之命書所以終平王東遷春秋
所以始知趙韓魏闕左傳之終也魏趙韓為諸侯通鑑
之始也源流貫通相為經緯觀通鑑者當自書春秋始

今略攷周之地勢系於七國之前

左氏傳景王使詹桓伯辭於晉曰我自夏以后稷魏駘
芮岐畢吾西土也及武王克商蒲姑商奄吾東土也巴
濮楚鄧吾南土也肅慎燕亳吾北土也吾何邇封之有
杜氏曰夏世以后稷功受五國為西土之長 魏陝
州芮城縣本魏國地魯桓公時芮伯萬出居于魏即
此地漢河北縣地後周改芮城 駘京兆府武功縣
本郃邑后稷所封亦作釐漢屬右扶風後漢省武功

亦漢縣治故釐城 芮同州馮翊縣本芮國漢臨晉
縣地屬左馮翊隋改縣曰馮翊 岐鳳翔府岐山縣
東北十里有岐山通典文王徙於岐即此縣孟子春
子言文王治岐杜氏注在美陽縣西北輿地廣記岐
陽縣漢美陽縣地太王邑岐山之下詩謂居岐之陽
文王亦治焉唐省入扶風縣為岐陽鎮 畢在京兆
府咸陽縣西北郡縣志畢原在京兆府萬年縣西南
二十八里詩注云畢終南之道名也書周公葬於畢

畢原即咸陽縣所理是也左傳畢文之昭也即謂此
地原南北數十里東西二三百里亦謂畢陌通典文
王葬畢初王季都之後畢公高封焉蒲姑注云博
昌縣北有蒲姑城通典姑幕縣故城在密州莒縣東
北古蒲姑氏國郡縣志薄姑故城在青州博昌縣東
北六十里今博昌縣輿地廣記青州博興縣有薄姑城商
末為諸侯居此成王滅之晏子曰蒲姑氏因之而後
太公因之商奄左傳因商奄之民說文郟國在魯

括地志兗州曲阜縣奄里即奄國之地周有徐奄注
二國嬴姓書序成王東伐淮夷遂踐奄遷其君於蒲
姑 巴重慶府巴縣本江州縣古巴國今重慶黔達
施忠萬開涪州南平軍渠資普昌合州廣安軍皆其
地也秦取其地立巴郡 濮見牧誓伊尹為四方獻
令正南百濮郡國志越雋會無縣華陽國志曰故濮
人邑鄭語楚蚡冒始啟濮劉伯莊曰濮在楚西南左
傳麋人率百濮聚於選將伐楚通典有尾濮木綿濮

文面濮折腰濮赤口濮黑棘濮爾雅南至於濮鉉周
書王會卜人丹砂注云西南之蠻蓋濮人也諸濮與
哀牢地相接 楚商頌奮伐荆楚荊州之楚國也周
封熊繹為楚子今歸州秭歸縣東南丹陽城 鄧襄
陽府鄧城縣漢為鄧縣唐為臨漢縣有故鄧城在縣
東北二十二里即鄧國 肅慎北夷在玄菟北三千
餘里通典挹婁即古肅慎之國在不咸山北夫餘東
北千餘里濱大海勿吉在高句麗北亦古肅慎國地

鞅鞅即勿吉也

燕在涿鹿山南召公所封都幽州

薊縣北燕伯款始見春秋

亳秦紀寧公與亳戰皇

甫謚云西夷之國

此土之
亳未詳

國語史伯曰當成周者南有荆蠻申呂應鄧陳蔡隨唐
北有衛燕翟鮮虞路洛泉徐蒲西有虞虢晉隗霍楊魏
芮東有齊魯曹宋滕薛鄒莒

荆蠻注云半姓之蠻鬻熊之後蠻半蠻矣謂叔熊在
濮從蠻俗也今按詩云蠻荆叔向曰昔成王盟諸侯

于岐陽楚為荊蠻置茅蕝設望表與鮮牟守燎故不

與盟荊蠻即楚也

春秋莊公世書荊僖元年乃書楚人伐鄭蓋始改為楚

申

姜姓詩申伯故申城在鄧州南陽縣北二十里南陽

秦宛縣國在今鄧州信陽軍之境

呂姜姓書呂侯

故呂城在鄧州南陽縣西四十里林氏曰秦漢之際

南陽為要地楚有圖北方之志其君多居于申合諸

侯又在馬子重請申呂為賞田巫臣曰不可此申呂

所以邑也是以為賦以禦北方若取之是無申呂也

晉鄭必至于漢申即宛也方城之險楚所恃而申在
方城之內寘阨之險又在方城之內應姬姓武王

子封

在汝州
魯山縣

漢志潁川郡父城縣應鄉故國秦范雎

封應侯縣廢入汝州葉縣

鄧曼姓

見前

陳媯姓

周封舜後滿以備三恪在陳州宛丘縣蔡姬姓文

王子所封蔡州上蔡縣蔡叔始封也平侯自上蔡遷

新蔡縣隨姬姓在隨州隨縣左傳漢東之國隨為

大唐姬姓隨州唐城縣故唐國漢為上唐鄉屬春

陵晉置上唐縣隋改唐城 衛姬姓康叔之封都殷

之朝歌衛州及黎陽野王皆衛之分 燕姬姓 見前

翟隗姓白狄有延安府鄜丹綏廓銀石州之地

鮮虞姬姓在翟者今中山府新樂縣

古鮮虞國戰國為中山

路妘姓春秋赤狄潞氏今潞州潞城縣 洛隗姓漢

匈奴傳武王放逐戎夷涇洛之北注云洛即漆沮水

也出上郡雕陰秦冒山東南入于渭後漢西羌傳洛

川有大荔之戎 泉隗姓左傳泉皐之戎注云今伊

關北有泉亭

徐注云赤翟隗姓

蒲注云赤翟隗

姓 虞姬姓武王封太王子仲雍之後為虞公陝州

平陸縣吳山在西上有虞城 號姬姓西號號叔之

後陝州陝縣上陽故城在縣東兼號州為南境東號

號仲之後在孟州汜水縣制邑故虎牢城 晉姬姓

唐叔之後燮父改唐為晉今太原府陽曲縣 隗姬

姓

未詳其地

霍姬姓文王子叔處所封在晉州霍

邑縣 楊姬姓晉州洪洞縣本楊侯國漢為楊縣隋

改洪洞取嶺為名 魏姬姓河中府永樂縣古魏國

詩謂魏地狹隘漢河北縣唐分芮城置永樂 芮姬

姓

見前

齊姜姓太公望之後都營丘今青州臨淄

縣 魯姬姓周公旦之後伯禽宅曲阜今襲慶府仙

源縣 曹姬姓文王子振鐸之後宅陶丘今興仁府

濟陰縣東北三十七里定陶故城 宋子姓微子後

為宋公今應天府宋城縣 滕姬姓文王子叔繡所

封今徐州滕縣西南十四里有滕城 薛任姓奚仲

所封漢有薛縣故國後廢故城在徐州滕縣東 鄒

曹姓春秋邾子陸終之後今襲慶府鄒縣 莒已姓

東夷之國今密州莒縣 曹元首六代論曰三代之

君與天下共其民故天下同其憂秦王獨制其民故

傾危而莫救夫與人共其樂者人必憂其憂與人同

其安者人必拯其危先王知獨治之不能久也故與

人共治之知獨守之不能固也故與人共守之兼親

疏而兩用參同異而並進是以輕重足以相鎮親疏

足以相衛并兼路塞逆節不生及其衰也桓文帥禮
苞茅不貢齊師伐楚宋不城周晉戮其宰王綱弛而
復張諸侯傲而復肅二霸之後寢以陵遲吳楚憑江
負固方城雖心希九鼎而畏迫宗姬姦情散於宵懷
逆謀消於脣吻斯豈非信重親戚任用賢能枝葉碩
茂本根賴之與自此之後轉相攻伐吳并於越晉分
為三魯滅於楚鄭兼於韓暨乎戰國諸姬微矣唯燕
衛獨存然皆弱小西迫強秦南畏齊楚救於滅亡匪

遑相恤至於王赧降為庶人猶枝幹相持得居虛位
海內無主四十餘年 林氏曰春秋歷十三王君無
弑逆之禍臣無專擅之變外弱而內固枝傷而幹存
故晉齊多叛臣宋鄭多叛親魯多叛邑衛多叛民而
周無僭逆之亂齊俗好游秦俗好兵晉魏之俗褊鄭
衛之俗淫而周無變易之風齊作內政晉作爰田魯
作丘甲鄭作封洫而周之政則守先王之政晉大夫
貪鄭大夫侈魯大夫抗齊大夫驕而周之臣則貴先

王之禮齊晉有世臣而無公族宋魯有公族而無世臣權在世臣則雖強而亡權在公族則雖存而削惟周之立國兼而有之親疏相制本枝相維凡此者皆非諸國之所及也故秦雖免胄而過門楚雖觀兵而問鼎吳雖告勞而矜功亦終懾服內聽而不敢動況中國之君乎

左氏傳桓王八年與鄭人蘇忿生之田溫原絺樊隰郕攢茅向盟

音孟

州陘隲懷惠王五年與鄭伯武公之略自

虎牢以東與虢公酒泉襄王十七年與晉侯陽樊溫原
欒茅之田晉於是始啟南陽

漢地理志周地今河南雒陽穀城平陰偃師鞏緱氏
是其分也初雒邑與宗周通封畿東西長而南北短
短長相覆為千里至襄王以河內賜晉文公又為諸
侯所侵故其分墜小唐天文志周之興也王畿千里
及其衰也僅得河南七縣通典周之封城其西得今
河南洛陽偃師東至緱氏鞏縣南得伊闕北至于河

當戰國時其境最狹東西南北方百餘里 溫孟州

溫縣春秋僖十年狄滅溫蘇子奔衛於是襄王以賜

晉文公 原在孟州濟源縣 漢軹縣原鄉 晉沁水縣南 絺在野

王縣西南今懷州河內縣 樊一名陽樊野王縣西

南有陽城國語陽人曰陽有夏商之嗣典樊仲之官

守樊仲山父食采於樊 隰郕在懷縣西南 懷縣省入懷州

武陟縣 欒茅在懷州脩武縣北 向軹縣有地名向

上 軹縣唐省入孟州濟源縣 盟今盟津在孟州河陽縣 陘通

典河南府密縣有陘山 隕在脩武縣北 懷即懷

縣

凡十二邑禹貢覃懷之地

南陽懷州脩武縣有南陽城晉啟

南陽即此今孟懷州皆春秋南陽之地 虎牢孟州

汜水縣

酒泉周邑

未詳

陳氏曰九州川浸澤藪

各在職方不屬諸侯之版而詩不以圃田繫鄭春秋

不以沙麓繫晉略可覩矣周季諸侯始擅不盼之利

齊幹山海而桃林之塞郇瑕之地晉實私之僭侈滋

甚往往稱伯甚者至周成貢百二十金於魏以易溫

圃 呂氏曰言周秦之彊弱者必歸之形執其說始
於婁敬敬所見者特平王之周耳曷嘗見文武成康
之周哉敬以周之形執為弱秦之形勢為彊抑不知
敬之所謂秦乃文武成康之周也文武成康之世岐
豐乃周之都如敬之言被山帶河四塞以為固者蓋
皆周之形勢當是時安有所謂秦者耶迨至平王東
遷輕捐岐豐之地以封秦遂成秦之彊是秦非能自
彊也得周之形勢而彊也秦得周之形勢以無道行

之猶足以雄視諸侯并吞天下況文武成康本之以
盛德輔之以形勢其孰能禦之耶是天下形勢之彊
者莫周若也敬何由見而遽以弱名周耶自平王捐
岐豐以封秦既失周之半以破裂不全之周兢兢自
保猶恐難立豈容復有所侵削今日割虎牢畀鄭明
日割酒泉畀虢至襄王又頓捐數邑於晉隧固王章
也千里之畿甸亦王章也襄王惜禮文不以與晉自
謂能守王章抑不知割地自削則畿甸之王章既不

全矣惜其一而墮其二烏在其能守王章耶 趙氏
曰周之始東也以父子之變東而又東也以兄弟之
爭 林氏曰周至平王而弱襄王而微敬王而亂此
東周之三變也平王當齊晉秦楚代興之始襄王當
齊晉秦楚爭伯之初敬王當齊晉秦楚俱弱之後夫
四國彊而周弱四國伯而周微固其執也四國既弱
而周之亂又甚焉實周自為耳

或曰觀史伯之言成
周南有申呂而有荆

蠻馬北有衛而有翟馬何以無亂華之憂曰大雅有
云大邦維屏大宗維翰此立國之根本也申呂在宛

維周之翰何畏乎荆衛在河朔行方伯連率之職何
虞乎翟肅肅謝功召伯營之為申伯作也脩爾車馬
弓矢戎兵衛武自儆也乃心罔不在王室諸夏安而
四夷服周之衰也申侯啟西戎之禍而終為荆所滅
衛宣稔淫亂之惡而終為狄所滅東遷之後晉鄭馬
依晉有河東鄭有成臯滎陽皆洛都之屏翰也周亦
不競於鄭奪其政取其田召狄以伐之於晉助蟲賊
而翦覆焉賞篡逆而爵命焉征伐安得不自諸侯出
乎然子類之亂鄭之自入于帶之難又晉之由定猶
有賴於二國也晉楚爭鄭迭為勝負鄭以犧牲玉帛
待於二竟宋之盟無夷夏之辨申之會諸侯胥為夷
晉亦不臣而暴蔑宗周至於率陰戎伐潁況蠻荆何
有於周室劉文公合十八國于召陵謀伐楚而晉大
夫以賄敗之諸侯遂不知有周矣嘗以春秋書魯者
攷之天王來聘者七錫命者三賙葬者四歸賑者一
而公如京師者一朝王所者一卿大夫如京師者五

君日卑而臣日慢福威下移冠屨易位履霜於曲沃之命堅冰於三晉之命周自是不可為雖孟子之言王道已絕望于周一魯仲連其能障橫流之波乎

黃氏曰荆宛并韓其國

都皆近京師宛衛武關以制楚韓扞臨晉以制狄皆天下形勝故宣王中興特著二詩焉大抵周人幽據

全燕

制狄

齊據海岱

制徐淮

充冀冀蔽洛陽并荆控

扼咸雍此天下全勢也觀九州山川險要之處與其建牧規模而經略大體可見矣朱氏曰自申繒之讐言不復而母家之屯戍是急鍾巫之賊不正而諸侯

之盟會狎至春秋所以作也討夏南之亂不出於諸
華而反出於夷狄之國請討田恒之無君不見於公
卿而特出於去位之大夫更戰國與秦斯義愈晦然
三戶亡秦之怨猶見於故楚之遺老使者五反必欲
復立魏後之義猶復見於先魏之故臣感五世相韓
之德不憚破家捐軀而求報者猶有圯下孺子也天
命流行人心如故斯理詎可湮滅哉

通鑑地理通釋卷六

欽定四庫全書

通鑑地理通釋卷七

宋 王應麟 撰

名臣議論攷

古之謀國者知天下之大勢圖事揆策規畫先定無言
不酬今自樂毅而下著于篇

樂毅對伐齊

樂毅為魏使於燕燕王以客禮待之遂委質為臣當是
時齊湣王彊南敗楚相唐昧於重丘西摧三晉於觀津

遂與三晉擊秦助趙滅中山破宋廣地千餘里與秦昭王爭重為帝於是燕昭王問伐齊之事樂毅對曰齊霸國之餘業也地大人衆未易獨攻也王必欲伐之莫如與趙及楚魏於是使樂毅約趙惠文王別使連楚魏令趙啗秦以伐齊之利諸侯害齊湣王之驕暴皆爭合從與燕伐齊樂毅還報燕昭王悉起兵使樂毅為上將軍趙惠文王以相國印授樂毅樂毅於是并護趙楚韓魏燕之兵以伐齊破之濟西諸侯兵罷歸而燕軍樂毅獨

追至于臨菑齊湣王之敗濟西亡走保於莒樂毅獨留
徇齊燕昭王大說親至濟上勞軍行賞饗士封樂毅於
昌國號為昌國君樂毅留徇齊五歲下齊七十餘城皆
為郡縣以屬燕唯莒與即墨未服

重丘

應劭曰安德縣北五十里有重丘鄉水經注故重丘

縣

漢屬平原

在德州左傳襄二十五年諸侯同盟于重丘

輿地廣記永靜軍將陵縣漢重丘縣地隋於重丘故

城置

唐屬德州

慶曆七年屬永靜

觀津

正義在冀州武邑縣東南二十五里輿地廣記觀津

鎮本趙地樂毅封於此號望諸君漢為縣屬信都

初屬

清河外戚傳實后家在觀津通典故城在德州舊縣東北後屬冀州

濟西

正義謂濟州已西左傳僖三十一年取濟西田分曹

地也水經注春秋莊十八年公追戎于濟西京相璠

曰濟水自鉅野至濟北是也蘇代曰秦以濟西委於趙有濟西趙之河東國危

臨淄

青州臨淄縣古營丘之地城臨淄水故曰臨淄師尚父所封

莒

今密州莒縣故莒國

昌國

正義故城在淄州淄川縣東北四十里漢齊郡之縣
即墨

今萊州之縣故城在縣西膠水縣南六十里

濟上

濟水之上禹貢濟東北會于汶孔氏云濟與汶合

濟職方氏及漢志說文作涕兗州之川今禹貢從水

從齊乃字之誤當以古文為正

濟水出常山郡房子
縣贊皇山別是一水

名音同

實異

寧臺

索隱云燕臺也括地志元英磨室二宮皆燕宮在幽

州薊縣西四里寧臺之下戰國策云厯室

通典燕國都碣石宮

薊丘

正義薊縣西北隅有薊丘索隱云燕所都之地

今燕山府

薊縣因丘以名邑

地理志薊南通齊趙勃碣之間一都會

也薊縣故燕國召公所封

漢屬廣陽郡唐屬幽州

汶篁

正義汶水源出兗州博城縣東北原山西南入沛徐
廣云竹田曰篁謂燕之疆界移於齊之汶水

索隱
燕所

都之地燕之薊丘所
植植齊汶上之水

蕭何韓信論定三秦

項羽立沛公為漢王而三分關中地王秦降將以距漢
王漢王怒欲謀攻項羽蕭何諫之曰雖王漢中之惡不
猶愈於死乎語曰天漢其稱甚美夫能詘於一人之下
而信於萬乘之上者湯武是也願大王王漢中養其民

以致賢人收用巴蜀還定三秦天下可圖也漢王曰善
韓信拜大將王曰丞相數言將軍將軍何以教寡人
計策信曰項王雖霸天下而臣諸侯不居關中而都彭
城又背義帝約而以親愛王諸侯不平諸侯之見項王
逐義帝江南亦皆歸逐其主自王善地項王所過亡不
殘滅多怨百姓百姓不附特劫於威強服耳名雖為霸
實失天下心故曰其強易弱今大王誠能反其道任天
下武勇何不誅以天下城邑封功臣何不服以義兵從

思東歸之士何不散且三秦王為秦將將秦子弟數歲而所殺亡不可勝計又欺其衆降諸侯至新安項王詐坑秦降卒二十餘萬人唯獨邯欣翳脫秦父兄怨此三人痛於骨髓今楚強以威王此三人秦兵莫愛也大王之入武關秋毫無所害除秦苛法與民約法三章耳秦民無不欲得大王王秦者於諸侯之約大王當王關中關中民戶知之王失職之蜀民亡不恨者今王舉而東三秦可傳檄而定也於是漢王大喜自以為得信晚遂

聽信計部署諸將所擊漢王舉兵東出陳倉定三秦二
年出關收魏河南韓殷王皆降令齊趙共擊楚彭城漢
兵敗散而還信復發兵與漢王會滎陽復擊破楚京索
間以故楚兵不能西信定河東使人請漢王願益兵三
萬人臣請以北舉燕趙東擊齊南絕楚之糧道西與大
王會於滎陽

興元府城固縣有韓信臺即高帝
置壇設九賓之禮拜信為大將

漢中

元和郡縣志屬楚秦惠文王取漢中地六百里為漢

中郡後漢注故城在今梁州南鄭縣東北輿地廣記

房金洋州興元府索隱云在楚之西北漢水南穰侯

相秦舉任鄙為漢中守

呂氏曰鄙之守邊秦之所倚也

沛公王巴蜀

漢中四十一縣都南鄭今興元府南鄭縣

水經注云者舊傳云

南鄭之號始於鄭桓公後桓公死於犬戎其民南奔故以南為稱即漢中郡治也漢高祖入秦項羽封為漢王蕭何曰天漢美名也遂都南鄭大城周四十二里城內有小城南憑北結環雉金墉漆井皆漢所修

禁

漢中地形襟要高帝始基於此用能定三秦先主

之用蜀倚為重鎮

酈商傳別將攻旬關西定漢中旬關洵陽縣郡縣志通關山在興元

府城固縣東北九里漢高祖北定三秦蕭何守漢中
欲修此道通關中故名通關山城固故城在縣東六
里韓信
所築

巴蜀

秦二郡苴蜀相攻秦使張儀司馬錯取蜀譙周曰苴
今之巴郡也正義曰蜀王封其弟於漢中號曰苴侯
因命之邑曰葭萌苴侯與巴王為好巴與蜀為讐故
蜀王怒伐苴苴奔巴求救於秦秦遣張儀伐蜀滅之

因滅巴

括地志云苴侯都葭萌今利州益
昌縣葭萌故城是蜀侯都益州

太史公曰

巴蜀四塞棧道千里唯褒斜綰轂其口

在漢中

三秦

章邯王雍

地理志右扶風輿地廣記鳳翔府屬雍國天興縣故雍縣

都廢立

韋昭曰即

周犬丘懿王所都秦更名廢丘漢更曰槐里括地志古城在雍州始平縣東南十里輿地廣記京兆府興

平縣司馬欣王塞

顏氏曰取河華之固為阮塞地理志京兆左馮翊廣記京兆府同州屬塞

國都櫟陽

括地志故城一名萬年城在雍州櫟陽縣東北二十五里秦獻公城櫟陽即此

董

翳王翟

地理志上郡文穎曰本上郡秦所置項羽更名廣記延安府屬翟國都高奴

延安

府臨真縣

法言曰漢初業山南

漢中也

發跡三秦

關中

韓生曰關中阻山帶河四塞之地三輔舊事云西以散關為限東以函谷為界二關之中謂之關中雍錄云此說未盡顏氏曰自函谷關以西總名關中徐廣

曰東函谷南武關西散關北蕭關其說是也

史記正義東有

函谷蒲津西有散關隴山南有峽山武關北有蕭關黃河在四關中故曰關中

彭城

徐州之縣故大彭國春秋時宋封魚石呂氏曰或咎

羽不從韓生之計殊不知天時不如地利地利不如人和以羽之暴雖王關中無益也

江南

項羽紀徙義帝長沙郴縣今郴州縣

新安

河南府之縣括地志故城在澠池縣東二十三里

漢屬

農引

武關

左傳哀四年楚人謀北方司馬起豐析以臨上雒使

謂陰地之命大夫曰將通於少習以聽命杜氏注少

習商縣武關也將大開武關道以伐晉商縣漢屬弘農郡後漢屬

京兆晉屬上雒郡隋改為商洛縣郡縣志商州即晉陰地也史記貨殖傳南陽西

通武關鄖關應邵曰武關秦南關通南陽文潁曰在析西百七十里郡國志在南陽析縣西

析今鄖州內鄉縣地理志漢中長利縣有鄖關長利今商州上津縣京相璠

曰少習楚通上洛阨道也水經注丹水自商縣東南歷少習郡縣志

武關在商州商雒縣東寰宇記九十里括地志同即少習

也楚懷王三十年秦昭王遺懷王書願會武關詐令

一將軍伏兵武關號為秦王至則閉執之以歸

楚世家秦

兵出武關攻楚取析十五城

漢元年八月沛公攻武關入秦

子嬰立三

月沛公兵從武關入至咸陽三年五月韓生說漢王出武關

又七國反周亞夫擊

之趙涉說曰從此右走藍田出武關抵洛陽不過差

一二日直入武庫擊鳴鼓諸侯聞之以為將軍從天

而下

戰國策即墨大夫見齊王曰鄢郢大夫使收楚故地即武關可以入矣武帝紀太初四年冬徙

弘農都尉治武關

輿地廣記商洛縣東有少習秦謂之武關

賈誼新書所謂建武關函谷臨晉關者大抵為備山

東諸侯也

田祿伯說吳王願得五萬人入武關淮南王安曰發南陽兵守武關延岑自武關走

南陽林氏曰春秋時武關晉地非秦有也秦未得武關

故不可以制楚穆公之世秦伐郢與楚爭商密商密

近武關呂氏曰沛公圍宛定南陽至丹水還攻胡陽

攻析酈皆降攻武關入秦引兵繞峽關踰葭山擊秦

軍至藍田遂西入咸陽此高帝入關所歷也王氏曰

臨晉以限東諸侯武關以限南諸侯函谷以限河北

沛公南出輟轅略南陽然後引兵而西則其破武關

而入秦皆南境也

晉桓溫伐秦步兵自浙川趨武關太康地理志峽關在武關之西法

言或問義帝初矯劉龔南陽項救河北二方分崩一離一合設秦得人如何曰人無為秦也喪其靈久也

荊州記曰武關西北一百二十里有商城漢為商縣

陳倉

縣屬右扶風輿地廣記鳳翔府寶雞縣故陳倉故城

在縣東二十里大散關在西南

郡國志注三秦記曰秦武公都雍陳倉城

是也

河南韓殷

申陽王河南鄭昌王韓司馬卬王殷呂氏曰漢王降
申陽而置河南郡降魏豹而得河東郡虜司馬卬而
置河內郡三河之地皆為漢有矣故告諸侯之辭有
悉發關中兵收三河士之語也

滎陽

漢屬河南今鄭州滎陽滎澤二縣

故城在滎澤縣西南十七里

范

睢說秦昭王曰王下兵而攻滎陽則鞏成臯之道不

通呂氏曰滎陽成臯自春秋以來常為天下重地由秦而上晉楚於此而爭霸由秦而下楚漢於此而分雌雄天下既定七國淮南衡山之變猶睥睨此地而決成敗焉東都以後言形勢者及之者鮮矣人事既

改則地之輕重亦有時而移也

高帝十二年詔陳平灌嬰將十萬衆屯滎

陽帝以天下新定恐易世之際人心或動搖故以信臣重兵填南北之衝地理志成臯亦名制滎陽故號

國則成臯滎陽皆東號地

京索

元和郡縣志鄭州滎陽縣京水出縣南平地索水出

縣南三十五里小隄山京縣故城縣東南二十里即

鄭京城太叔之邑古大索城今縣治

左傳鄭子皮子太叔勞諸索氏

小索城縣北四里史記正義京縣有大索城小索城

楚漢戰滎陽京索間即此三城蒯通曰楚人起彭城

轉鬪逐北至滎陽乘利席勝威震天下然兵困於京

索之間迫西山而不能進

應劭曰京縣有大索小索亭

高帝紀與

楚戰滎陽南京索間

酈食其畫取楚之策

漢三年秋項羽擊漢拔滎陽漢兵遁保鞏楚人聞韓信破趙彭越數反梁地則分兵救之韓信方東擊齊漢王數困滎陽成臯計欲捐成臯以東屯鞏雒以距楚食其因曰臣聞之知天之天者王事可成不知天之天者王事不可成王者以民為天而民以食為天夫敖倉天下轉輸久矣臣聞其下乃有藏粟甚多楚人拔滎陽不堅守敖倉迺引而東令適卒分守成臯此天乃所以資漢

方今楚易取而漢反卻自奪便臣竊以為過矣且兩雄
不俱立楚漢久相持不決百姓騷動海內搖蕩農夫釋
耒紅女下機天下之心未有所定也願足下急復進兵
收取滎陽據敖倉之粟塞成臯之險杜太行之道距飛
狐之口守白馬之津以示諸侯形制之勢則天下知所
歸矣方今燕趙以定唯齊未下今田廣據千里之齊田
間將二十萬之衆軍於歷城諸田宗強負海岱阻河濟
南近楚齊人多變詐足下雖遣數十萬師未可以歲月

破也臣請得奉明詔說齊王使為漢而稱東藩上曰善
乃從其畫復守敖倉而使食其說齊王 轅生說漢王
曰漢與楚相距滎陽數歲漢常困願君王出武關項王
必引兵南走王深壁令滎陽成臯間且得休息使韓信
等得輯河北趙地連燕齊君王乃復走滎陽如此則楚
所備者多力分漢得休息復與之戰破之必矣

鞏

河南府之縣地理志東周所居元和郡縣志春秋晉

師克鞏縣本與成臯中分洛水西則鞏東則成臯後
魏併焉爾雅鞏固也四面有山河之固因以為名

成臯

漢河南之縣故虎牢郡縣志河南府汜水縣

後屬孟州

古

東虢國鄭之制邑漢之成臯

隋改曰汜水

項羽使曹咎守

之漢王破之成臯故關在縣東南二里通典云後漢
置關春秋襄公二年遂城虎牢十年成鄭虎牢胡氏
春秋傳曰虎牢鄭地故稱制邑至漢為成臯今為汜

水縣巖險聞於天下猶虞之下陽趙之上黨魏之安
邑燕之榆關吳之西陵蜀之漢樂地有所必據城有
所必守而不可以棄焉者也有是險而不能守故不

繫於鄭

地理志注穆天子傳云七萃之士生捕虎即獻天子天子畜之東虢號曰虎牢

宋毛德

臣戎虎牢後魏晝夜
攻圍二百日乃克

雒

河南雒陽縣周公遷殷民是為成周郡縣志故洛陽
城在縣東二十里顏氏曰魚豢云漢火行忌水故去

洛水而加佳如魚氏說則光武以後改為雒字

敖倉

書仲丁遷于囂詩搏獸于敖

後漢注詩薄狩于敖即此秦於此築太倉亦曰

敖廩在今鄭州
滎陽縣西北

左傳晉師在敖鄆之間

二山名

秦建敖

倉於成臯

太康地理志

敖地名在滎陽西北山上臨河有

太倉

孟康注

呂氏曰滎陽成臯控南北之衝故秦積粟

於此通典巨橋盈而殷喪成臯溢而秦亡

郡縣志敖山在鄭州

滎澤縣西十五里宋武北征記秦時築倉於山上漢高祖因敖倉傍山築甬道下汴水河南府河陰縣本

漢滎陽地三皇山亦曰嶽鄩山上有三城即劉項相持處括地志云教倉在滎陽縣西十五里石門之東

北臨汴水南帶三皇山

成臯之險

正義即汜水縣山險之道淮南王曰先要成臯之口
人言絕成臯之道天下不通婁敬曰與項羽戰滎陽

爭成臯之口

輿地廣記孟州汜水縣有故虎牢城有成臯故關西南有旋門

故關陸璣洛陽記洛陽四關東有成臯關在汜水縣東南二里

太行之道

地理志太行山在河內山陽縣西北

山陽故城在懷州修武縣西北

正義云在懷州河內縣

河內縣本野王太行山在西北

北二十五里

澤州之南羊腸之道也白起攻南陽

河內修武也

太行道

絕之范睢曰北斷太行之道則上黨之師不下

山自孟州

綿亘至幽州

崔伯陽感山賦云或主或臣建功立業尤顯

聞於後世則有決羊腸之險塹此山之道攻滎陽伐韓以威天下應侯為秦昭王之謀也據敖倉之粟杜中山之阨使天下知所歸者酈食其為漢高祖之謀

也踰此山入射犬破青犢之衆殺謝躬於鄴以收復天下為心者漢光武之謀也濟河降射犬之衆還軍敖倉屬魏种以河北事然後西向以爭天下者魏武帝之謀也進據武牢扼其襟要俾竇建德不能踰山入上黨收河東之地而卒以併天下者唐太宗之謀也

郡國志河內野王縣有太行山有射犬聚世祖破青犢輿地廣記射犬故城在懷州武德縣北蔡澤

謂范曄曰君相秦決羊腸之險塞太行之口

飛狐之口

臣瓚曰飛狐在代郡西南正義蔚州飛狐縣北百五十里有秦漢故郡城西南有山俗號飛狐口文帝紀匈奴入上郡雲中以今免為車騎將軍屯飛狐匈奴傳云漢使三將軍軍屯北地代屯句注趙屯飛狐口

後漢王霸與杜茂治飛狐道注云在今蔚州飛狐縣北通媯州懷戎縣即古之飛狐口

晉劉琨自代出飛狐口奔於安次

常山圖經云山北四百餘里號飛狐口

輿地廣記有飛狐谷飛狐

關在代國南四十里

白馬之津

漢白馬縣屬東郡戰國策張儀曰決白馬之口以流

魏氏蘇代說燕曰決白馬之口魏無黃濟陽

楚伐魏決白馬

之口高誘曰白馬津名水經注河過黎陽縣南為白馬

津津之東南有白馬城唐滑州黎陽津即此也今屬

滑州白馬縣本衛之曹邑

黃河去外城十二步縣志白馬故關在衛州黎

陽縣東一里鄴食其說高祖曰杜白馬之津即此地

後更名黎陽津黎陽津一名白馬津在白馬縣北三十里鹿鳴城之西南隅張耳陳餘從白馬渡河劉賈

通典後魏改為黎陽津

擊楚度白馬津入楚地

顏氏曰即今滑州白馬縣河津

袁紹遣顏良

攻劉延於白馬

郡縣志白馬山在白馬縣東北三十里開山圖曰有白馬羣行山上悲

鳴則河決馳走則山崩津與縣蓋取此山為名慕容德改黎陽津為天橋津

歷城

今齊州縣漢屬濟南田廣罷歷下兵即其地

武關

見前

朱氏

黼

曰漢楚自彭城之後割鴻溝之先漢惟京索

一勝其他二戰每戰輒敗不特楚之兵威如飄風暴

雨非漢所能遏而漢之視楚如羔豚之畏貔虎自南
鄭以來雖決策東鄉之計定於韓信明其為賊之義
發於董公捐金以間其君臣之謀顯於陳平說布使
叛楚捐關東地以與信越之義籌之隨何張良而其
所以疲楚之力而分其執者猶未之講也獨轅生進
說使楚力分而漢休息迄用之以平天下若生之策
所謂多方以誤之亟肄以闕之者歟高帝自得是闕
字而南彭越破薛公下邳羽於是棄成臯而東高帝

破終公成臯羽於是復引兵而西羽拔滎陽猶

關字設

版也而漢之諸將已入其心腹燒其積聚矣羽不得已又揭揭而東羽方頓兵大梁分師援齊而漢之大兵已破其裒將拔取成臯矣羽不得已又躑躅而西歲月未久奔走不寧智勇無幾前後受敵以一國之兵而分應數十以一人之力而奔命四方此其所以坐困歟或曰漢取天下其征伐次敘大抵如秦秦人先據咸陽以為形勝之執乃取巴蜀以為富饒之

本遂用范雎遠交近攻之策先滅韓魏次及楚及趙
及燕然後并齊以一天下高祖始居巴蜀由蜀而取
三秦然後韓信引兵取魏取趙取燕取齊與高祖會
垓下以挫羽而滅之大抵先易而後難先小而後大
先據形勢而後進取此用兵之道也

賈誼論封梁淮陽

誼上疏曰陛下所以為蕃扞及皇太子之所恃者唯淮
陽代二國耳代北邊匈奴與強敵為鄰能自完則足矣

而淮陽之比大諸侯塵如黑子之著面適足以餌大國耳不足以有所禁禦高皇帝瓜分天下以王功臣反者如蠅毛而起以為不可故斬去不義諸侯而虛其國擇良日立諸子雒陽上東門之外畢以為王而天下安今淮南地遠者或數千里越兩諸侯而縣屬於漢其吏民繇役往來長安者自悉而補中道衣敝錢用諸費稱此其苦屬漢而欲得王至甚遁逃而歸諸侯者已不少矣其勢不可久願舉淮南地以益淮陽而為梁王立後割

淮陽北邊二三列城與東郡以益梁不可者司徒代王而都淮陽梁起於新鄭以北著之河淮陽包陳以南捷之江則大諸侯之有異心者破膽而不敢謀梁足以扞齊趙淮陽足以禁吳楚陛下高枕終無山東之憂矣文帝於是從誼計廼徙淮陽王武為梁王北界泰山西至高陽得大縣四十餘城徙城陽王喜為淮南王撫其民景帝立三年而吳楚趙與四齊王合從舉兵西鄉京師梁王扞之卒破七國

淮陽

高帝夷彭越分梁地為二國立子恢為梁王子友為
淮陽王文四年徙代王武為淮陽王通典漢淮陽郡
故城在陳州宛丘縣西南

代

高帝詔曰代地居常山之北與夷狄邊趙乃從山南
有之遠數有胡寇難以為國頗取山南太原之地益
屬代代之雲中以西為雲中郡則代受邊寇益少矣

文帝以代王入即位後分代為兩國立子武為代王
參為太原王四年徙參為代王盡得故地都晉陽如
故括地志并州太原地名大明城即古晉陽

雒陽上東門

顏氏云東面最北出門曰上東門雒陽十二門李尤銘上
東少陽厥位在寅水經注建春門即上東門也晉曰建陽

梁

文十二年武徙梁七國反先擊梁棘壁梁王城守睢

陽而使韓安國張羽等為將軍以距吳楚吳楚以梁
為限不敢過而西 按睢陽今應天府宋城縣括地
志州南二里外城中本漢睢陽縣張許守一城扞天
下蔽遮江淮即此地也棘壁即左傳大棘括地志大
棘故城在宋州寧陵縣西南七十里

寧陵屬
拱州

新鄆

地理志汝南之縣春秋文十六年盟于鄆丘應劭云
秦伐魏取鄆丘漢興為新鄆蘇秦說魏曰南有新鄆

則非漢改是名也

按郡國志新鄴建初四年徙宋公於此水經注潁水東南逕宋公縣

故城北後漢郭竟封鄴侯注新鄴縣屬汝南郡故城

在今潁州

今順昌府

汝陰縣西北鄴丘城是也

陳

古陳國輿地廣記陳州宛丘縣楚頃襄王自郢徙都

焉陳勝據陳自立為張楚漢高帝置淮陽國

泰山

今襲慶府奉符縣本漢博縣有泰山

高陽

郡縣志高陽故城在汴州雍丘縣西南二十九里高陽氏佐少昊有功受封此邑陳留風俗傳高陽在雍

丘西南

今開封府
雍丘縣

酈生陳留高陽人沛公至高陽傳

舍徐廣云今在圉縣者舊傳云圉高陽鄉

郡國志圉
有高陽亭

輿地廣記圉縣故城在雍丘縣東南

淮南

文十二年城陽王喜王淮南故地十六年復王故城

陽而立厲王三子王淮南故地三分之

鄧禹說光武

鄧禹聞光武安集河北即杖策北渡追及於鄴禹進說曰更始雖都關西今山東未安赤眉青犢之屬動以萬數三輔假號往往羣聚更始既未有所挫而不自聽斷諸將皆庸人掘起志在財幣爭用威力朝夕自快而已非有忠良明智深慮遠圖欲尊主安民者也四方分崩離析形勢可見明公雖建藩輔之功猶恐無所成立於

今之計莫若延攬英雄務悅民心立高祖之業救萬民之命以公而慮天下不足定也光武大悅因令左右號禹曰鄧將軍常宿止於中與定計議及王郎起兵光武自薊至信都使禹發奔命得數千人令自將之別攻拔樂陽從至廣阿光武舍城樓上披輿地圖指示禹曰天下郡國如是今始乃得其一子前言以吾慮天下不足定何也禹曰方今海內淆亂人思明君猶赤子之慕慈母古之興者在德薄厚不以大小光武悅

邳彤對光武

世祖北至薊會王郎兵起使其將徇地所到縣莫不奉迎唯和戎信都堅守不下彤聞世祖從薊還失軍欲至信都乃先使五官掾張萬督郵尹綏選精騎二千餘匹緣路迎世祖軍彤尋與世祖會信都世祖雖得二郡之助而兵衆未合議者多言可因信都兵自送西還長安彤廷對曰議者之言皆非也吏民歌吟思漢久矣故更始舉尊號而天下響應三輔清宮除道以迎之一夫荷

戰大呼則千里之將無不捐城遁逃虜伏請降自古
以來亦未有感物動民其如此者也又卜者王郎假名
因勢驅集烏合之衆遂震燕趙之地況明公奮二郡之
兵揚響應之威以攻則何城不克以戰則何軍不服令
失此而歸豈徒空失河北必更驚動三輔墮損威重非
計之得者也若明公無復征伐之意則雖信都之兵猶
難會也何者明公既西則邯鄲執成民不肯捐父母背
成主而千里送公其離散亡逃可必也世祖善其言而

止即日拜彤為後大將軍和戎太守如故使將兵居前

北至堂陽

范蔚宗論曰邵彤之廷對其為幾乎語曰一言可以興邦斯近之矣

鄴 薊

相州臨漳縣本漢鄴縣 薊縣漢屬廣陽國今幽州

燕山府

信都

冀州信都縣漢為信都國治光武自薊還聞信都獨為漢拒邯鄲即馳赴之任光為太守開門迎謁

樂陽

縣屬常山郡

廣阿

縣屬鉅鹿郡輿地廣記趙州隆平縣本廣阿後漢注

故城在象城縣西北

象城本朝
改隆平

和戎

東觀記王莽分鉅鹿為和戎郡居下曲陽以邳彤為

卒正按鉅鹿郡下曲陽漢都尉治今祁州鼓城縣山

常

郡上曲陽今中山府曲陽縣有上故此云下

世祖徇河北至下曲陽彤舉

城降

邯鄲

縣屬趙國時王郎據邯鄲

邯山名鄲盡也邯山至此盡

今屬縣磁

州

堂陽

縣屬鉅鹿今冀州南宮縣堂陽鎮

在堂水之陽

諸葛孔明對昭烈

先主屯新野徐庶謂先主曰諸葛孔明者臥龍也將軍
豈願見之乎先主遂詣亮凡三往乃見因屏人曰漢室
傾頽奸臣竊命主上蒙塵孤不度德量力欲扶大義於
天下而智術短淺遂用狝狝至于今日然志猶未已君
謂計將安出亮荅曰自董卓已來豪傑並起跨州連郡
者不可勝數曹操比於袁紹則名微而衆寡然操遂能
克紹以弱為彊者非惟天時抑亦人謀也今操已擁百
萬之衆挾天子而令諸侯此誠不可與爭鋒孫權據有

江東已歷三世國險而民附賢能為之用此可與為援而不可圖也荊州北據漢沔利盡南海東連吳會西通巴蜀此用武之國而其主不能守此殆天所以資將軍將軍豈有意乎益州險塞沃野千里天府之土高祖因之以成帝業劉璋闇弱張魯在北民殷國富而不知存恤智能之士思得明君將軍既帝室之胄信義著於四海總攬英雄思賢如渴若跨有荆益保其巖阻西和諸夷南撫夷越外結好孫權內修政治天下有變則命一

上將將荊州之軍以向宛洛將軍身率益州之衆出於秦川百姓孰敢不箠食壺漿以迎將軍者乎誠如是則霸業可成漢室可興矣先主曰善

新野 隆中

新野縣屬南陽郡唐省入鄧州穰縣 漢晉春秋諸

葛亮家于南陽之鄧縣在襄陽城西二十里號曰隆中

荊州

刺史初治漢壽

武陵

後治南郡

江陵

南齊志云中平末王

睿始治江陵部郡七

劉表傳云
荊州八郡

劉表為牧開土遂廣

南接五嶺北據漢川地方數千里

漢沔左氏傳楚

國漢水以為池注云漢水出武都至江夏南入江水

經沔水出武都沮縣東狼谷中地理志東漢水受氏

道水一名沔過江夏謂之夏水入江

南海詩江漢

于疆于理至于南海左傳楚奄征南海

吳會吳郡

會稽郡永建四年分會稽為吳郡吳志朱桓部伍吳

會二郡莊子釋文云浙江為吳會分界是也 巴蜀

漢地理志江陵故郢都西通巫巴

益州

刺史初治雒部郡九屬國三劉焉為牧徙治緜竹

漢川

縣又徙治成都璋其子也張魯據漢中取巴郡

宛洛

南陽西通武關鄖關東南受漢江淮宛亦一都會也

宛縣今鄧州南陽縣洛陽東有成臯西有穀龜通典云襄陽北

接宛洛高紀沛公北攻平陰絕河津南戰雒陽東軍
不利略南陽郡圍宛城陳恢見沛公曰宛大郡之都
也連城數十

秦川

天水郡秦州秦始封之邑水經注秦水出大隴山秦
谷歷三泉合成一水而歷秦川川有秦亭秦仲所封
也高紀漢王從故道襲雍

故道鳳州
梁泉縣

孔明出祈山

岷州

長道縣岷州
今西和州

斜谷

興元府
褒城縣

姜維欲乘虛向秦川出駱

谷鳳翔府
盤屋縣此自蜀攻秦之路

王朴平邊策

周世宗即位獻平邊策曰唐失道而失吳蜀晉失道而失幽并觀所以失之由知所以平之術當失之時君闇政亂兵驕民困近者姦於內遠者叛於外小不制而至於僭大不制而至於濫天下離心人不用命吳蜀乘其亂而竊其號幽并乘其間而據其地平之之術在乎反唐晉之失而已必先進賢退不肖以清其時用能去不

能以審其材恩信號令以結其心賞功罰罪以盡其力
恭儉節用以豐其財徭役以時以阜其民俟其倉廩實
器用備人可用而舉之彼方之民知我政化大行上下
同心力彊財足人安將和有必取之勢則知彼情狀者
願為之間諜知彼山川者願為之先導彼民與此民之
心同是與天意同與天意同則無不成之功攻取之道
從易者始當今惟吳易圖東至海南至江可撓之地二
千里從少備處先撓之備東則撓西備西則撓東彼必

奔走以救其弊奔走之間可以知彼之虛實衆之彊弱
攻虛擊實則所向無前矣勿大舉但以輕兵撓之彼人
怯弱知我師入其地必大發以來應數大發則民困而
國竭一不大發則我獲其利彼竭我利則江北諸州乃
國家之所有也既得江北則用彼之民揚我之兵江之
南亦不難而平之也如此則用力少而收功多得吳則
桂廣皆為內臣岷蜀可飛書而召之如不至則四面並
進席卷而蜀平矣吳蜀平幽可望風而至唯并必死之

寇不可以恩信誘必須以彊兵攻力已竭氣已喪不足
以為邊患可為後圖方今兵力精練器用具備羣下知
法諸將用命一稔之後可以平邊是時世宗銳意征伐
已撓羣議親敗劉旻於高平歸而益治兵慨然有平一
天下之志數顧大臣問治道選文學之士徐台符等二
十人使作為君難為臣不易論及平邊策朴在選中而
當時文士皆不欲上急於用兵以謂平定僭亂在修文
德以為先唯翰林學士陶穀竇儀御史中丞楊昭儉與

朴皆言用兵之策朴謂江淮為可先取世宗雅以知朴及見其議論偉然益以為奇引與計議天下事無不合遂決意用之歐陽公曰其陳用兵之略非特一時之策至言諸國興滅次第云淮南可最先取并必死之寇最後亡其後宋興平定四方惟并獨後服皆如朴言

高平

縣屬澤州秦破趙於長平即此地顯德元年次澤州及劉旻戰於高原敗之追及於高平又敗之

吳江北諸州

顯德三年南征五年克淮南十四州以江為界

揚楚泗滁

和光黃舒蘄廬壽海泰濠

揚泰滁和壽濠泗楚光海等州已為周

有李景獻廬舒蘄黃

桂廣

南漢據四十七州桂廣其都會也世宗平江北劉晟遣使修貢為楚人所隔

岷蜀

顯德二年伐蜀克秦成階鳳

幽并

石晉獻十六州于契丹

瀛莫幽涿檀薊順蔚朔雲應新媯濡武襄顯德六

年北伐取瀛莫定三關

益津關為霸州瓦橋關為雄州淤口關上置寨舒魯

謂周所取皆漢故地不足顧十四州之地皆可取矣

世宗疾功志不就自太原以北十州

通典十二州有隆蔚

入於

劉旻

忻代嵐石憲麟并汾沁遼

顯德元年攻太原不克

蘇文忠公曰古之君子如伊尹太公管仲樂毅之流

其王霸之略皆定於畎畝中非仕而後學者也淮陰侯見高皇帝於漢中論劉項短長畫取三秦如指諸掌及佐帝定天下漢中之言無一不酬者諸葛孔明臥草廬中與先主策曹操孫權規取劉璋因蜀之資以爭天下終身不易其言此豈口傳耳受嘗試為之而僥幸其或成者哉張宣公曰蕭何為相之初首薦韓信為大將而三秦之計遂定此得為相用人之體

通鑑地理通釋卷七

欽定四庫全書

史部

通鑑地理通釋卷八

十至

詳校官修撰臣錢蔭

洗馬臣王坦修覆勘

總校官庶吉士臣何思鈞

校對官中書臣朱圻

謄錄監生臣蕭志鴻

欽定四庫全書

通鑑地理通釋卷八

宋 王應麟 撰

七國形勢考上

地利不如人和在德不在險六國有地險而不修仁義卒并於秦秦又不監而漢滅之作七國形勢考

秦

蘇秦說秦惠王曰秦四塞之國被山帶渭東有關河西有漢中南有巴蜀北有代馬此天府也

戰國策云西有巴蜀漢中之利

北有胡路代馬之用南有巫山黔中之限東有穀
函之固地勢形便此所謂天府天下之雄國也

范

唯對秦昭王曰大王之國四塞以為固北有甘泉谷口
南帶涇渭右隴蜀左關坂此王者之地也 春申君說

秦昭王曰大王之國徧天下有其二坐此從生民已來
萬乘之地未嘗有也王又舉甲而攻魏杜大梁之門舉
河內拔燕酸棗虛桃入邢魏之兵雲翔而不敢救王之
功亦多矣王休甲息衆二年而後復之又并蒲衍首垣
以臨仁平丘黃濟陽嬰城而魏氏服王又割濮磨之北

注齊秦之要絕楚趙之脊天下五合六聚而不敢救王之威亦殫矣荀子彊國篇曰古者百王之一天下臣諸侯也未有過封內千里者也今秦南乃有沙羨與俱是乃江南也北與胡貉為隣西有巴戎東在楚者乃界於齊在韓者踰常山乃有隆慮在魏者乃據圍津即去大梁百有二十里耳其在趙者剡然有苓而據松柏之塞負西海而固常山是地徧天下也威動海內彊殆中國然而憂患不可勝拔也認認常恐天下之一合而軋

已也此所謂廣大乎舜禹也 應侯問曰入秦何見荀
卿子曰其國塞險形勢便山林川谷美天材之利多是
形勝也 太史公六國表曰秦始小國僻遠諸夏賓之
比於戎翟至獻公之後常雄諸侯論秦之德義不如魯
衛之暴戾者量秦之兵不如三晉之彊也然卒并天下
非必險固便形勢利也蓋若天所助焉或曰東方物所
始生西方物之成熟夫作事者必於東南收功實者常
於西北故禹興於西羌湯起於亳周之王也以豐鎬伐

殷秦之帝用雍州興漢之興自蜀漢韓非初見秦曰天下陰燕陽魏連荆固齊收韓而成從將西面以與秦彊為難今秦地折長補短方數千里名師數十百萬秦之號令賞罰地形利害天下莫若也以此與天下天下不足兼而有也田肯曰秦形勝之國也帶河阻山縣隔千里持戟百萬秦得百二焉地勢便利其以下兵於諸侯譬猶居高屋之上建瓴水也

巴蜀

甘茂曰張儀西并巴蜀之地北取西河之外南取上

庸

索隱張儀伐蜀王開戰不勝為儀所滅

張儀說楚王曰秦西有巴蜀

大船積粟起於汶山浮江已下至楚三千餘里舫船

載卒一舫載五十人與三月之食下水而浮一日行

三百餘里里數雖多然而不費牛馬之力不至十日

而拒扞關扞關驚則從竟陵以東盡城守矣黔中巫

郡非王之有

蜀見於牧擔地與秦接通典云所謂巴賈彭濮之人秦惠王使司馬錯伐蜀有

其地利州益昌縣古劍閣道秦伐蜀所由謂之石牛道陳子昂云昔蜀與中國不通秦以金牛美女啖蜀

侯侯使五丁力士棧褒斜鑿通谷迎秦之餽秦隨以兵而地入中州元和郡縣志武王伐殷巴人助焉後封為巴子其地東至魚復西焚道接漢中南極牂柯是其界也戰國策秦伐蜀十月取之蜀既屬秦益強秦紀惠文九年滅蜀華陽國志云蜀之先肇於人皇之際黃帝為子昌意娶蜀山氏後子孫因封焉秦滅蜀因滅巴通典巴國今巴壁蓬集合忠萬是其地蘇氏曰秦之憂在六國也蜀最僻最小最先取楚最強取最後

漢中

楚地按秦紀孝公元年河山以東彊國六與齊威楚宣魏惠燕悼韓哀趙成侯竝淮泗之間小國十餘

所謂

泗上十二諸侯也 楚魏與秦接界魏築長城自鄭濱洛以北

有上郡楚自漢中南有巴黔中周室微諸侯力政爭

相併秦僻在雍州不與中國諸侯之會盟夷翟遇之

正義云楚自梁州漢中郡南有巴渝過江南有黔中巫郡 惠文十三年庶長章擊

楚於丹陽虜其將屈匄又攻楚漢中取地六百里置

漢中郡齊湣王遺楚王書曰王欺於張儀亡地漢中

李斯曰惠王用張儀之計南取漢中

蔡澤謂范雎相秦棧道千里通

於蜀 後漢注故城在梁州南鄭縣東北

漢

穀函

呂氏春秋九塞穀其一也左傳晉敗秦師于穀

穀有二陵

杜預曰穀在澠池縣西北道在二穀之間南谷中谷深委曲兩山相嶽故可以辟風雨古道由此魏武帝西討巴漢惡其險而更開北山高道公羊傳云穀之嶽巖穀梁傳云穀

巖啗之下春秋正義云俗呼為土穀石穀其阨道在

兩穀之間

水經注穀水又東逕土穀北所謂三穀也

甘茂自穀塞及至鬼

谷

後語作槐谷注槐里之谷今京兆始平之地

其地形險易皆明知之郡

縣志三靖山

隋大業元年廢三靖道

又名嶽崙山在河南府永

寧縣北二十八里

自東峭至西峭三十五里東峭長坂數里峻阜絕澗車不得方軌西

峭石坂十二里漢馮異破赤眉於峭底魏龐德破張白騎於兩穀間索隱鬼谷在關內雲陽郡國志弘

農故秦函谷關池有二峭寰宇記後割隸陝州硤石縣在縣東北四十六里硤石省為石壕鎮入

陝縣硤石本峭秦函谷關在陝州靈寶縣西南十縣後魏置唐改

二里

函谷故城在縣南十里秦函谷關城漢弘農縣隋桃林縣也西征記曰關城路在谷中深險如

函故以為名其中劣道上東西十五里絕岸壁立岩柏陰蔭谷中殆不見日關去長安四百里日入則閉

雞鳴則開秦法也東自峭山西至潼津通名兩谷號曰天險所謂秦得百二也桃林塞自縣以西至潼關

皆是也春秋時晉侯使詹嘉處瑕守桃林之塞漢書注顏氏曰今桃林縣南有洪溜澗水即古所謂函谷

也其水北流入河夾河之岸尚有舊關餘蹟焉張良武帝元鼎三年徙函谷關於新安縣屬河南府

曰關中左殽函

西都賦左據函谷二崤之阻西京賦左有崤函重險桃林之塞范睢

謂左關阪即殽函也

淮南陸形訓九塞曰殽阪

賈生過秦曰秦孝

公據殽函之固

春秋時殽桃林晉地非秦有也

四塞

關河

張儀曰秦地被山帶河四塞以為固

劉伯莊曰河謂龍門西河山謂

華四面有山關之固故曰四塞

高誘注徐廣曰東函谷南武關西散關

北蕭關

東有函谷蒲津龍門合河等關南山及武關曉

關西有大隴山及隴山關大震烏蘭等關北有黃河

南塞是四塞

正義

按秦地西有隴關東有函谷臨晉

南有嶢武關北有蕭居庸天井關以臨胡庭故為關

中

地理志云秦地於禹貢跨雍梁二州詩風兼秦豳兩國穆公稱伯以河為竟惠王得上郡西河杜篤

論都賦曰西被隴蜀南通漢中北據谷口東阻嶽巖關函守嶢山東道窮置列汧隴靡偃西戎拒守寢斜嶺南不通杜口絕津朔方無從

胡貉代馬

胡樓煩林胡之類

國策注

貉在東北方三韓之屬

漢書

注鼂錯曰秦代郡有胡馬索隱一云張儀說韓王曰

秦馬之良探前跌後蹄間三尋騰者不可勝數蘇厲說趙

王曰代馬胡駒張良曰關中北有胡苑之利索隱苑馬牧也馬生於胡代

郡屬趙始皇二十五年虜代王嘉後周置蔚州馬邑屬鴈門郡後魏置朔州索隱又謂代郡有馬

城縣然惠王之時代未屬秦當攷左傳冀之北土馬之所生注謂燕代

甘泉谷口

郡縣志甘泉山一名磨石嶺在京兆府雲陽縣雲陽今屬

耀西北九十里周迴六十里雲陽宮即秦之林光宮漢之甘泉宮在縣西北

八十里甘泉山上關中記甘泉宮在甘泉山上宮北有連山西都賦其陰則冠以九嵎培以甘泉乃有靈宮起乎其中西京賦其遠郊祀志寒門者谷口也顏氏則有九嵎甘泉涸陰沍寒曰谷口仲山之谷漢為縣今治谷是也仲山之北寒涼故謂寒門地理志左馮翊谷

口縣九嵎山在西

溝洫志白公引涇水首起谷口顏氏曰即今雲陽縣治谷郡縣志京

兆醴泉縣本谷口縣在九嵎山東仲山西當涇水出山之處故謂之谷口史記正義九嵎仲山西謂之谷口即古寒門在醴泉縣東北四十里西北去甘泉山八十里燕鞠武曰秦地徧天下北有甘泉谷口之固南有涇渭之沃擅巴漢之饒右隴蜀之山左關嶠之險通典谷口縣故城在醴泉縣北後漢及晉為池陽隋改醴泉史記文帝後元三年置谷口邑

隴

通典秦州

秦隴西漢天水郡隴縣今屬秦州隴城縣

有大坂曰隴

坻亦曰隴山

或謂之隴坂

三秦記曰其坂九迴上者七日

乃越

秦州有大隴山亦曰隴首山論都賦置列汧隴西京賦右有隴坻之隘隔閼華戎隴州

汧源縣隴山一曰隴坻漢隴關

今名大震關在縣西隴所以限

東西

隴東則為漢三輔隴西則為漢天水隴西諸郡唐隴右之地唐六典注隴坻在秦州清水縣

涇渭

地理志開頭山

開苦見反又音牽括地志作筭通典亦曰汧屯山一名崆峒

在安

定涇陽縣西

原州平高縣

禹貢涇水所出東南至陽陵

京兆

高入渭

雍州川括地志涇水出原州百泉縣西南涇谷

鳥鼠同穴山在隴西

首陽縣西南

渭州渭源縣

渭水所出東至船司空

華州華陰

入

汀

雍州寢

東方朔曰漢都涇渭之南所謂天下陸海之

地秦所以虜西戎兼山東者也

法言曰秦東溝大河南阻高山西采雍梁

北鹵涇垠便則申否則蟠

燕酸棗虛桃邢

秦始皇紀五年將軍騫攻魏定酸棗燕虛長平雍丘

山陽城皆拔之取二十城初置東郡地理志東郡南

燕縣

今滑州胙城縣故南燕國

陳留郡酸棗縣

今開封府縣唐屬滑州

正義

云虛即姚墟在濮州雷澤縣東十三里

蘇代曰決宿胥之口魏無

虛頓丘正義虛謂

徐廣曰燕縣有桃城

括地志故桃城在胥州胙

城縣東三十里漢劉襄所封鮑氏曰任城有桃聚

平皋有邢丘

正義邢丘在懷州武德縣

東南二十里武德縣今省入河內縣平皋縣故城在西

蒲衍

左傳注蒲在陳留長垣縣西南

桓三年胥命于蒲徐廣曰長垣有蒲鄉

輿地廣記古蒲邑在開封府長垣縣

子路為之宰唐屬滑州

今

按魏有蒲坂

今河中府河東縣魏世家秦拔我蒲坂是也

有蒲陽

故城在隰州隰

川縣北四十五里在蒲水之北晉重耳所居邑魏世家秦降我蒲陽是也

此當為長垣之

蒲索隱云衍在河南與卷近

蘇秦曰北有卷衍

正義云在鄭

州秦紀始皇九年攻衍氏

曹參世家柱天侯反於衍氏進破衍氏正義謂魏邑

在鄭州

首垣

戰國策韓侈謂秦王曰進齊宋之兵至首垣遠薄梁

郭趙世家公子刻攻魏首垣水經注竹書紀年梁惠成王十三年鄭釐侯致平丘牖首垣諸邑又云長

垣縣故首垣秦更名

長垣漢屬陳留今屬開封府

今按正義以首

垣為二邑

首即牛首故城在汴州陳留縣西南四十里垣即長垣故城在匡城縣東北二十

七里廣記開封咸平縣有牛首城水經注沙水又東南逕牛首亭東左傳桓十四年宋伐鄭東郊取牛首襄十年晉伐鄭師于牛首鮑氏亦以首垣為二河東蒲坂有首山所謂雷首垣縣今絳州垣曲縣

愚

謂魏有王垣

垣縣有王屋山故曰王垣魏武侯二年城王垣白起攻垣城秦始皇九年攻魏

垣蒲陽是也正義故垣城在絳州垣縣西北二十里

有新垣

魏世家秦拔我新垣曲陽之城是也

正義曲陽在懷州濟源縣西十里新垣近曲陽

此首垣戰國策謂遠薄梁郭

當從水經注為陳留之長垣

仁平丘

正義仁一本作任今任城縣屬濟州

地理志屬東平

地理志

平丘縣屬陳留春秋昭十三年盟平丘注云在陳留

長垣縣西南

郡國志長垣有平丘城

黃濟陽

戰國策云外黃地理志縣屬陳留

通典故城在汴魏州陳留縣東北

河北河南皆有黃城蘇秦說齊曰趙襲魏之河北燒

棘溝墜黃城

括地志故黃城在魏州冠氏縣南十里此河北之黃城也春申君傳正義故黃

城在曹州考城縣東二十四里此河南之黃城也考城今屬拱州

蘇代曰外黃濟陽

地理志陳留外黃縣注有黃溝左傳惠公敗宋師于黃注云外黃縣東有黃城水經注河水舊在白馬縣南洸通濮濟黃溝廣記外黃故城在開封府雍丘縣東

正義濟陽故城在曹州

寬句縣西南三十五里

今開封府東明縣濟陽鎮漢濟陽縣屬陳留

濮磨

新序云濮摩

徐廣云濮水北於鉅野入濟

永初山川記云源出東郡地理志東郡濮陽縣

故城在開德府濮陽縣東左傳哀二十七年齊救鄭
及濮注云濮水自陳留酸棗傍河東北經濟陰至高
平入濟索隱磨地名近濮史記功臣表磨侯漢表作歷
漢歷縣城在滄州舊縣西南四十六里舊縣今屬冀
州樂毅書磨室一作歷按戰國策黃歇說秦王曰割
濮磨之北屬之燕則地在河北

沙羨

地理志縣屬江夏

羨音夷興地廣記鄂州江夏縣漢沙羨地秦屬南郡劉表使黃祖守

沙羨為孫權所破楚世家熊渠伐庸楊粲至于鄂注
九州記曰鄂今武昌春申君傳秦使白起攻楚取巫
黔中之郡拔鄢郢東至竟陵復州秦紀昭王二十九
年白起攻楚取郢為南郡李氏曰漢江夏之鄂縣

吳更名武昌今武昌縣是也今鄂州乃漢沙羨水經注江中有沙陽州沙陽縣治也縣本江夏之沙羨晉改沙陽故城今蒲圻縣一里

江南

戰國策城渾曰今邊邑之所恃者非江南泗上也

秦紀

昭王三十年蜀守若伐取巫郡及江南為黔中郡三
十一年楚人反我江南始皇二十五年王翦定荆江
南地楚世家襄王收東地兵復西取秦所拔我江旁
十五邑以為郡距秦楚辭章句襄王遷屈原於江南
在江湘之間韓非初見貨殖傳衡山九江江南豫章
秦曰取洞庭五湖江南

長沙是南楚也

徐廣曰江南者丹陽也秦鄣郡

巴戎

巴在西南戎在西

注 楊倞

秦紀武公伐邽冀戎初縣之

繆公用由余謀伐戎王益國十二開地千里厲共公

伐大荔取其王城孝公西斬戎之獮王惠王十一年

縣義渠

匈奴傳秦穆公得由余西戎八國服於秦自隴以西有縣諸緄戎翟獮之戎岐梁山涇漆

之北有義渠大荔
烏氏胸衍之戎

趙良曰五穀大夫相秦巴人致貢

八戎來服

常山

地理志常山郡

今真定府

恒山在西

避文帝諱改

通典常山在

定州恆陽縣

今中山府曲陽縣

北一百四十里

楊倞注本趙山秦今有之

張儀說楚曰秦地半天下席卷常山之險必折天

下之脊索隱云常山於天下在北若人背脊

隆慮

地理志隆慮縣屬河内今相州林慮縣

後漢避殤帝名改

圍津

史記曹參世家至河内下修武渡圍津徐廣曰東郡

白馬有圍津

索隱按水經注白馬津有韋鄉韋城韋與圍同古今字變正義括地志云黎陽

津一名白馬津在滑州白馬縣北三十里帝王世紀云白馬縣南有韋城故豕韋國郡國志云白馬縣有韋城按韋津以韋為名或變改曰黎陽及白馬之名圍與韋古字通滑州又有韋城縣漢白馬縣地隋置去大梁百有二十里

魏都也按九域志滑州至東京二百一十里

苓

楊倞注苓地名未詳所在或曰苓與靈同漢書地理

志常山郡有靈壽縣今屬真定松柏之塞

戴延之西征記函谷

是也蓋趙樹松柏與秦為界今秦據有之

按地理志清河郡有靈縣

輿地廣記靈縣省
入博州博平縣

西海

地理志金城郡臨羌縣西北至塞外有西王母石室
僊海闡駟云西有卑和羌即獻王莽地為西海郡者

始皇紀云地西至臨洮羌

通典西海郡肅州之北千
二百里司馬錯曰利盡西

海正義云西方羌
戎索隱云謂蜀川

西羌

禹生自西羌皇甫謐曰孟子稱禹生石紐西夷人也

今孟子無此語括地志石紐山在茂州汶川縣本冉馬國西七十

三里

蜀王本紀禹本汶山郡廣柔縣人生於石紐廣柔隋改曰汶川

秦宓曰禹生石

紐今之汶山郡是也

輿地廣記綿州石泉縣本漢廣柔縣地唐屬茂州有石紐山禹

之所生也

趙

蘇秦說趙肅侯曰當今之時山東之建國莫彊於趙趙地方二千餘里西有常山南有河漳東有清河北有燕國燕固弱國不足畏也秦之所害於天下者莫如趙然

而秦不敢舉兵伐趙者何也畏韓魏之議其後也然則韓魏趙之南蔽也竊以天下之地圖案之諸侯之地五倍於秦料度諸侯之卒十倍於秦六國為一并力西嚮而攻秦秦必破矣竊為大王計莫如一韓魏齊楚燕趙以從親以畔秦令天下之將相會於洹水之上通質割白馬而盟要約曰秦攻楚齊魏各出銳師以佐之韓絕其糧道趙涉河漳燕守常山之北秦攻韓魏則楚絕其後齊出銳師而佐之趙涉河漳燕守雲中秦攻齊則楚

絕其後韓守成皋魏塞午道趙涉河博關燕出銳師以
佐之秦攻燕則趙守常山楚軍武關齊涉勃海韓魏皆
出銳師以佐之秦攻趙則韓軍宜陽楚軍武關魏軍河
外齊涉清河燕出銳師以佐之諸侯有不如約者以五
國之兵共伐之六國從親以擯秦則秦甲必不敢出於
函谷關以害山東矣 武靈王北畧中山之地至於房
子遂之代北至無窮西至河登黃華之上召樓緩謀曰
我先王因世之變以長南藩之地屬阻漳滏之險立長

城又取藺郭狼敗林人於荏而功未遂今中山在我腹
心北有燕東有胡西有林胡樓煩秦韓之邊而無彊兵
之救王謂公子成曰吾國東有河薄洛之水與齊中
山同之無舟楫之用自常山以至代上黨東有燕東胡
之境而西有樓煩秦韓之邊今無騎射之備故寡人無
舟楫之用夾水居之民將何以守河薄洛之水變服騎
射以備燕三胡秦韓之邊且昔者簡主不塞晉陽以及
上黨而襄主并戎取代以攘諸胡此愚智所明也先時

中山負齊之彊兵侵暴吾地係累吾民引水圍郭微社稷之神靈則郭幾於不守也先王醜之而怨未能報也今騎射之備近可以便上黨之形而遠可以報中山之怨韓非子應侯謂秦王曰弛上黨以臨東陽則邯鄲口中蟲也蘇厲為齊遺趙王書曰燕盡齊之北地去沙丘鉅鹿斂三百里韓之上黨去邯鄲百里燕秦謀王之河山間三百里而通矣秦之上郡近扞關至於榆中者千五百里秦以三郡攻王之上黨羊腸之西句注之

南非王有已踰句注斬常山而守之三百里而通於燕
代馬胡犬不東下昆山之玉不出此三寶者亦非王有
已戰國策說張相國曰趙萬乘之強國也前漳滏右

常山左河間北有代帶甲百萬當抑彊秦四十餘年而

秦不得所欲樂間對燕王曰趙四戰之國也其民習

兵

正義東鄰燕齊西邊秦樓煩南界韓魏北迫匈奴

韓非初見秦曰趙氏中

央之國也雜民所居也

趙居邯鄲燕之南齊之西魏之北韓之東故曰中央兼四國人

故曰

雜

常山

正義在鎮州西定州恒陽縣北

百四十里

地道記云在上

曲陽縣

即恒陽今曲陽縣

西北百四十里北行四百五十里

得常山岷號飛狐口北則代郡也世家毋卹曰從常

山上臨代代可取也

括地志上曲陽故城在定州曲陽縣西五里

河漳

正義在潞州地理志濁漳出上黨長子縣鹿谷山

今潞

州長子縣發鳩山

東至鄴入清漳

清漳出沾縣大壘谷今平定軍樂平縣少山東北入

大蘇秦曰秦甲渡河踰漳據番吾則兵必戰於邯鄲

之下矣

括地志蒲吾故城在鎮州房山縣東二十里言秦兵渡河厯南陽入羊腸經澤潞度漳水

守蒲吾城則與趙戰於都城下趙世家惠文王二十一年徙漳水武平西二十六年徙漳水武平南括

地志武平亭在瀛州文安縣北七十二里張儀曰秦趙戰於河漳之上再

戰而趙再勝

河一作清洺州有清漳縣山海經少山清漳水出焉郭璞曰至武安南入濁漳

清河

今貝州漢清河郡張儀說趙曰秦告齊使興師渡清

河軍於邯鄲之東

水經清水東入于河謂之清口即淇河口也淇水東北過廣宗縣東

為清河地理志清河
水出魏郡內黃縣南

洹水

正義出相州林慮縣西北林慮山中

地理志注隆慮山在縣北

水在相州北四里

項羽與章邯盟洹水南殷虛上

正義國都城記云鄴

縣城西南四十里有洹水

輿地廣記相州臨漳縣本鄴縣後周分

東北界置洹水縣

省入大名府成安

山海經神囷之山黃

水出焉東流注于洹隋圖經俗謂安陽河即聲伯夢

涉之所

雲中

正義故城在勝州榆林縣東北四十七里漢匈奴傳

趙武靈王北破林胡樓煩自代並陰山下至高關為

塞置雲中鴈門代郡

雲中郡今勝州單于府之地

趙世家武靈王

二十六年復攻中山攘地北至燕代西至雲中九原

二十七年西北畧胡地欲從雲中九原直南襲秦

水經

注虞氏記云趙侯自五源河曲築長城東至陰山又於河西造大城一廂不就乃改卜陰山河曲畫見羣鵠游於雲中光在其下即其處築城今雲中城是也唐志烏咄谷二百七里至古雲中城

午道

張儀說趙曰秦一軍塞午道索隱曰當在趙之東齊

之西鄭玄云一從一橫為午謂交道也

鮑氏曰長安有子午谷北

山是子南山是午為子午道則午道秦南道也塞之使不得通

博關

正義涉貝州南河至博陵今博州博平縣漢屬東郡

張儀說齊曰悉趙兵渡清河指博關臨淄即墨非王

之有也

輿地廣記博州戰國屬齊趙衛三國之交徐廣曰齊威王六年晉伐齊至博陵

勃海

正義齊從滄州渡河至瀛州溝洫志河出昆侖經中國注勃海漢置渤海郡後魏置滄州春秋釋例云海自遼西北平漁陽章武渤海樂陵樂安北海東萊城陽東海廣陵吳郡會稽十四郡之東畛以東

河外

索隱謂陝及曲沃等處正義謂同華州張儀說齊曰梁效河外

索隱云河之南邑若曲沃平周等

說趙曰秦驅韓梁軍於

河外

正義謂鄭滑州北臨河

中山

春秋時為鮮虞定四年傳中山不服中山之名乃始

見于此

大事記威烈王十二年中山武公魏文侯使初立索隱曰中山古鮮虞國姬姓

樂羊伐取之及武侯之世趙世家書與中山戰于房

子是時蓋已復國其後與諸國並稱王其勢又強矣

廣記中山府安喜縣古中山國

新樂縣古鮮虞國李公緒趙記云鮮虞姬

姓春秋之末曰中山

房子

縣屬趙州唐改為臨城

郡縣志故城在高邑縣西南五十里穆天子傳曰至房子

登贊皇山漢屬常山郡

代

北狄之別也世家曰翟戎者代之先也匈奴傳趙襄

子踰句注而破并代以臨胡貉正義代郡城北狄代

國秦漢代縣城也在蔚州羌胡縣

當作飛狐

北百五十里

輿地廣記蔚州本代國在常山之北趙襄子定代地及武靈王置代郡

趙有代句注之

北與戎界邊

無窮

戰國策武靈王破原陽以為騎邑牛贊進諫王曰昔者先君襄王與代交地城境封之名曰無窮之門所以昭後而期遠也

黃華

正義蓋西河側之山名

水經注隆慮縣有黃水出于神囷山黃華谷北崖相州林

慮縣本漢隆慮隋圖經黃花水出隆慮縣西北崖上高十七里去地七里懸水東南注壑巖下其谷號

黃花谷 劉劭趙都
賦置酒乎黃華之館

漳滏

通典相州漳陽縣有漳河滏水

今屬磁州

郡國志鄴有滏

水

劉劭趙都賦清漳發源濁滏汨越湯泉涓沸洪波飄厲戰國策吳起曰殷紂之國左孟門而右漳滏

文選

注漳水熱若出於釜因名焉郡縣志滏水出磁州漳陽縣西北四十二里鼓山亦名釜山泉源奮湧

若滏水之湯湯故以滏名之八陁第四曰滏口陁山嶺高深實為險阨淮南隆形訓清漳出揭戾濁漳出

發包釜出景注二漳合流經魏郡入清河景山在邯鄲西南滏水所出山海經神囷之山滏水出焉東

流注于歐水注滏水今出臨水縣西釜口山經鄴西北至列人縣入于漳其水熱魏都賦北臨漳滏則冬

夏異沼水經注出石鼓山南巖下冬
溫夏冷東流注于漳又謂之合河

長城

世家肅侯

十七年

築長城括地志武靈王長城在朔州

善陽縣北按此所謂立長城者在武靈王之前

藺郭狼

地理志西河郡有藺皋狼二縣戰國策知伯之趙請

蔡皋狼之地襄子弗與

鮑氏云蔡當作藺世家成侯三年魏敗我藺二十四年秦

攻我藺肅侯二十二年秦取我藺離石離石屬西河
今石州魏世家武侯敗趙北藺正義云在石州趙

之西郭狼疑是皋狼

孟增幸於周成王是為宅皋狼蓋成王居之於皋狼

林人林胡樓煩

正義林人即林胡也匈奴傳晉北有林胡樓煩之戎

如淳曰林胡即澹林為李牧所滅

括地志朔州地馮唐曰李牧破東胡

滅澹林李牧傳云滅澹林破東胡降林胡則澹林非林胡也

地理志樓煩縣屬雁

門應劭云故樓煩胡也

故城在代州崞音郭縣東北

趙世家主父

行新地出代西遇樓煩王於西河而致其兵

東胡

正義趙東有瀛州之東北營州之境即東胡烏丸之

地

服虔云後為鮮卑在匈奴東故曰東胡

匈奴傳燕北有東胡

周書已有東河

其後燕將秦開襲破之

括地志云漢初冒頓滅其國餘保烏丸山因以為號山

海經東胡在大澤東

西邊

正義云林胡樓煩即嵐勝之北也嵐勝以南石州離

石蘭等七國時趙邑邊也秦隔河也晉洺潞澤等州

皆七國時韓地為並趙西境也

河薄洛之水

徐廣云安平經縣西有漳水津名薄洛津

水經注漳水又歷經

縣故城西水有故津謂之薄洛津按漢信都國安帝更名安平通典貝州經城縣漢經縣也本朝省入

大名府袁紹在薄洛津

上黨

地理志本韓之別郡也遠韓近趙後卒降趙

韓非初見秦曰

代四十六縣上黨十七縣廣記云秦上黨郡今澤潞遼州平定威勝軍之地

三胡

索隱云林胡樓煩東胡

晉陽

漢太原郡所治龍山在西北晉水所出北齊分晉陽

置龍山縣隋開皇十年改龍山曰晉陽而以古晉陽

縣為太原縣

隋唐地理志所謂晉陽縣乃古龍山縣所謂太原縣乃古晉陽縣

自北

漢劉氏以前郡治太原晉陽二縣

太平興國四年王師下北漢徙州治

陽曲縣本漢狼孟縣地而空其故城郡縣志太原府城中又有三城其一曰大明城即古晉陽城也左

傳言董安于所築晉陽故

宮一名大明宮在州城內

鄆

郡縣志漢以為縣屬常山

武靈王三年城鄆

光武即位於鄆

南千秋亭五成陌因改曰高邑

高齊移高邑於漢房

是也隋於漢鄆城南十八里改置柏鄉縣屬趙州故城柏鄉縣北二十一里

輿地廣記趙

州高邑縣左傳哀四年齊國夏伐晉取鄆即此

鄆音呼各

反趙世家武靈王二十一年攻中山王軍取鄆石邑封龍東垣中山獻四邑和孫氏曰騎兵始於戰國之初武靈王胡服騎射全用匈奴之俗而古法于是大變春秋正義曰古者馬以駕車六國之時始有單騎曲禮云前有車騎者漢世書耳左傳左師展將以公乘馬而歸此騎馬之漸戰國策王破原陽以為騎邑

呂氏曰胡服騎射蓋始教一邑然後徧行之於境內漢地理志雲中郡原陽縣

東陽

左傳趙勝帥東陽之師以追齊杜氏注東陽晉之山

東魏郡廣平以北戰國策國子曰兼魏之河南絕趙

之東陽則趙魏亦危矣

地理志清河郡有東陽縣與地廣記恩州歷亭縣漳南鎮

本漢東陽縣隋改漳南唐屬貝州

沙丘 鉅鹿

殷紀紂益廣沙丘苑臺括地志沙丘臺在邢州平鄉

東北二十里地理志趙中山地薄人衆猶有沙丘紂

淫亂餘民正義沙丘邢州也鉅鹿冀州也括地志鉅鹿邢州平

城鄉縣齊北界貝州也言破齊滅韓之後燕之南界秦

之北界相去減三百里趙在中間也呂氏春秋九數

趙之鉅鹿注今鉅鹿廣阿澤廣記邢州鉅鹿縣有禹貢大陸澤地理志鉅鹿縣大陸澤在北紂

所作沙臺在東北七十里應劭曰鹿林之大者十三州志唐虞時大麓之地

上郡

正義廊延等州通典今綏廊銀麟夏坊延丹等州地括地志故城在綏

州上縣

通典龍泉縣

東南五十里

秦惠文十年魏納上郡十五縣廣記云上郡今

麟延安丹坊廊銀夏綏德保安之地

扞關

呂氏云扞者扞敵之扞非關名也趙之扞關陸道之

關也楚之扞關水道之關也

楚肅王四年為扞關以距蜀

榆中

武靈王二十年西略胡地至榆中戰國策王胡服率

騎入胡出於遺遺之門踰九限之固絕五徑之險至

榆中辟地千里

括地志榆中勝州所治榆林縣正義勝州北河北岸地理志金城郡有榆

中縣通典故城在蘭州五泉縣東伍被傳廣長榆開朔方注長榆在朔方即衛青傳所云榆谿舊塞或謂之榆中秦始皇紀西北斥逐匈奴自榆中並河以東屬之陰山以為三十四縣項羽傳云蒙恬為秦將北逐戎人開榆中地數千里注在上郡即今之榆林廣記榆林縣南有榆溪塞即蒙恬侵胡植榆為塞是也東有榆林關隋開皇三年置衛青傳按榆溪舊塞索隱水經云上郡北有諸次山諸次水出焉東經榆林塞為榆谷正義今榆林縣東四十里東北臨河故乘曰秦北備榆中之關

邯鄲

趙世家敬侯元年始都邯鄲地理志自中牟徙此邯

鄆北通燕涿南有鄭衛漳河之間一都會也

張晏曰邯鄲山

在東城下縣屬趙國今屬礪州有叢臺趙王故臺也戰國策馮忌曰武安君乘七勝之威與馬服之子戰于長平之下因以餘兵圍邯鄲趙以亡敗之餘衆而秦罷於邯鄲之下趙守而不可拔攻難而守者易也

羊腸

魏世家如耳曰昔者魏伐趙斷羊腸拔閼與約斬趙趙分而為二所以不亡者魏為從主也蔡澤謂應侯曰君相秦坐制諸侯決羊腸之險塞太行之道正義云太行山坂道名南屬懷州北屬澤州呂氏春秋九

山之一也盤紆如羊腸

秦上黨郡今澤潞儀沁四州之地兼相州之半韓總有之

至七國時趙得儀沁二州之地韓猶有潞州及澤州之半半屬趙魏沁州在羊腸阪之西儀并代三州在句注山之南秦以三郡攻趙之澤潞則句注之南趙無地淮南子注云說苑桀之居伊闕在其南羊腸在其北今太原晉陽西北九十里通河西北上郡關曰羊腸坂是通典太原府陽曲縣有乾燭谷即羊腸坂後漢鄧訓傳注石磴紫委若羊腸焉今嵐州界羊腸坂是也隋煬帝登太行山問崔躋曰何處有羊腸坂對曰案漢書地理志上黨潞州壺關縣有羊腸坂帝曰不是又答曰案皇甫士安撰地書云太原北九十里

有羊腸坂帝曰是也戰國策說秦王曰兩攻修武踰羊腸降代上黨郡縣志羊腸山在太原府交城縣東

南五十里

句注

正義句注山

音章句之句一音鈞

在代州鴈門縣西北四十里

郡縣志在朔州鄆陽縣東八十里代州鴈門縣西北三十里一名西陁山

呂氏春秋九塞

之一也地理志在鴈門陰館縣

劉劭趙都賦其近則有天井句注飛狐太

行確錯礪硤屬阜連岡劉敬傳漢兵已踰句注蘇厲曰齊反亞分先俞於趙正義亞音邢分當作山括地

志句注山一名西陁山俞音戌爾雅云西陁鴈門是也郭氏注云西陁即鴈門山按西先聲相近蓋陁山

西陁二山並在代州鴈門縣皆趙地趙世家襄子北登夏屋括地志夏屋山一名賈屋山在代州鴈門

縣東北三十五里與句注山相接蓋北方之險亦天下之阻鴈門縣本漢廣武地理志賈屋山在太原廣

武縣北匈奴傳趙襄子踰句注而破并代漢文紀蘇
意為將軍屯句注郡國志注爾雅八陵西隄鴈門是
也張儀說燕曰昔趙襄子欲并代與代王遇於句注
之塞郡縣志晉咸寧元年句注碑曰蓋北方之險有
盧龍飛狐句注為之首天下之阻所以分別外內也

河間

瀛州地理志注在兩河之間

戰國策趙王曰秦下甲攻趙趙賂之以河間十

二縣

通鑑地理通釋卷八